

8/25

M. F. Mamadi

1. Tša kgale tša lefika la Nkotamane
le Mohlaseng ea Dansig:

Kwa dithabeng tša Hananwa ho be ho na le monyana, leina la hahe e be e le Magadi, morwedi a Mokgapa. A tšewa ke e mongwe wa bakgomane ba ha Maleboho, mme a sa rate; leina la monna wa hahe e le Raserete. Bjale batswadi ba monyana ba re re ka seka ra sitwa ke ngwana wa rena, ba mo hapeletša ka matla. Bjale a tsoha batho ba sa letše a namela thaba a fitha hona lefikeng le ba reho ke Nkotamane. Le dutše hodimo ha thaba ka fase ha lona ke lehaha. A e thesa a wa hore a ipolae. He a wa a fumana mori o ba reho ke moloha wa ho loha maselo, a wela hodimo ha dikala tša oona a kadiela mo dikaleng tša moloha letšatši ka moka le bosihlo ka moka. Mokgoši wa lela ba mo nyaka, ka tšatši la bobedi ba mo fumana a kadiela, mme a sa phela ba rema dithari ba mo folosa. Monyana wa pelo ea sethoho a ea bohadi a tswala barwa le barwedi. Ka moraho a lwa le ba makaditoho a ba pola. O huile ka 1935.

2. Tša Sidima Matlampeke (Zoutpen).

Metleng ea kgale ho be ho ena le kgoši e kgolo kwa Bokgalaka, leina la hahe ba re ke Maampo, a dula koo Tsimpampje a busa naha e kgolo kudu ho tloha Tsimpampje ho fitla nokeng ea Hodi. Bjale morwa Maampo a tloha Tsimpampje a tsela noka ea Hodi a dula dithabeng tša Maphukuepje ka sechaba se seholo. Leina la hahe ba re ke Hoodie. Bjale ea re ka tšatši le leng e mongwe wa bona a wa lefikeng, lefika la phatloha le eena. Mme eena a re Maampo nde no ea nalo a sobelela ka tlase ha lefika. Ba Maampo ke bona ba ho kwaho ba Maphuekuepje ke ba Kgalaka.

Tša kgoši Leshiba.

Sereto sa bohale bja hahe:-

Leshiba ke manaha ea sedabo

Leshiba ba bolaelwe baKgalabje tupa-di-matserere

Moretlu wa Mamatsena pelong

Kgalabje tša Masie o lobesetše,
Maboko a Masie a rerwa ke basadi.
Mirwa o se ke wa re ke fentse
Tšipi e sa ile ho tulwa bohale
Ha habo eona Madinare.